

Gaunz jerinj en eene Heikjreb

(Cradled in a Manger Meanly)

1. Gaunz jerinj en eene Heikjreb lieech de Gottes Sän dee Nacht,
Siene ieschte Nacht opp Ieeden, wua de Tieren wier'n jewast.
Schophoads deeden mootich horchen aus de Enjel an daut säd,
Bosich randen see no Jesus, kjneeden sikj ver am, voll Fräd.
2. Mootich sent dee waut daut hieren, daut hee kjeem vom Himmel rauf;
Noch väl mootja dee waut jleewen un am danken fa dee Leew.
Leefsta Heilant, ons Erleesa, enne Heikjreb funks du Ru,
Kaust du uk no mie nu komen? En mien Hoat jäw ekj die Rum.
3. Soo väl schlajchtet es doa bennen, en mien Hoat es soo väl Sind.
Woascht du dan noch no mie kommen? Jesus, moak mie nu dien Kjint.
Komm nu nenn, O Har, soo heilich, doo en mien Hoat waut du west.
Jesus, komm doch bie mie sennen! Daut es Himmel wua du best!
4. Un fa dee waut noch nich weeten daut du kjeemst no dise Ieed,
De waut diene Leew nich kjannen un nich hieren diene Wieed,
Schekj an uk dee goede Norecht, soo daut aulemaun daut weet;
Daut de Heilant es jekomen, lot daut schaulen wiet un breet!

Wieed: George Stringer Rowe, 1830-1913

Musikj: Rowland Huw Pritchard, 1830

Plautdietsch: Nettie Friesen, 2021